

www.BibleForChildren.org

मत्ती 26



येसु निस्तार
पर्वकिन छु दिन
ओड़ाल बेथानियाल
बाके। नल नो सिउनी
ओसोचोइव लाजरसए ओल्योक
ज लिनाके। हाः बेलाक मरियमए
बनै ओएः ल्यो चाव सी डरो
जतामसीए मास तन्यावा रैद
येसुए उखँत थीद्याद ओचेमए
सीदिक्यो। झिम भरी ज बनै चाव
सी फाँ फाँ डर्के।



नकिन बाह्र जना उसिसरानी यहूदा इस्करियोतए येसुलाई
मुख्या पुजारीराए याकुइत पारैन्याए जूनी याल्योक बाके।
नोर नोए ओपाँ थैद बनै रेंद नोलाई पैसा
यान्या ब जैकेर। हाःकिन
इस्करियोतए 'येसुलाई कै
जैद डासूपिके?' लिद
मौका खिम्कयो।




येसुए है ओरादोव मिताव ज़ उसिसराए
पबताव ज़्याव भरी जैकेर। नकिन नो
याज़्युज़्यावत ज़ येसुए उकुइत भरेस
तोबो रैद, असिक निद नो भरेसलाई
केःद, “हाँ, आव ज़्युचिके। आव डाक्याँ
ज़,” है दाद भाःद याएक्यो।




हो मित्ताव ज़ फरी खुरी उकुइत रैद
धन्याबाद चरैःद, “जे पाइँए आव
खुरीनी ज़ ओचिके,” है लिद नोरालाई
याद, “आव जेओज़्याव कुधु मिँराए पाप
क्याल्दयान्याए जूनी डासोभोरिज़्याव
डाइज़ी ज़। आनी ज़ परमेस्वरए
जेस साःरो बाचा नैद्याचिरिज़्याव।”



नकिन येसुए पत्रुसलाई, “अ सिमोन, सिमोन, किताव
मनमलाई छिन्कैज्यार, हिताव ज़ सैतानए नँलाई ब जाँचिन्या
झाःसिद ले। है जैद डा नजँनी डाल्योदा नदोव सत तारासोक
लिद पोंखारिद डईज्या। फरी तखेप नबादी ब ओल्द नहुवत नँ
ननैरालाई पाथ पारैव ताके,” है ओदोक ते, पत्रुसए, “प्रभु, नँस
इयालखानाल बन्या ब तयार ज़ डालिज्या, नँस सिन्या ब
तयार ज़ डालिज्या,” है
दोक्यो।



येसुए फरी, “पत्रुस, नँलाई है डादींज्या, आछिम रील भाल्या
ओमाकोद डालाई सौंखेप ‘डामासरेसे’ है दान्या नले,” है
दोक्यो।



नकिन येसु उसिसरास गेतसमनी
यादोज्याव बगैचाल बाद
उसिसरालाई, “डा जाँ
होकसैकावक बाद डापोंखारिवा
पै जे आक ज़ लिच्यो,” है
दाद, “अब्बा, बाबु, नँ नमादोधुव
काता ज़ माले, आव डाक्याँत
हरिज्याव धो सहिउ दुखर
वैदयाँके।”



“खाली डा डायुँ ते माःक, नँ नयुँ
ओताकिन वाज़,” है लिद
पॉंखारिद, नो स्रोम्लोराए
ल्योक उहुवत नोर इल्द
यालिज़्याव दैहुद पत्रुसलाई,
“सिमोन, नँ इल्द नलिज़्याव
रो? नँ कै जैद ड़ास तघन्ता पै
ब नमालिधुज़्याव?”




है जैद यहूदा इस्करियोतए फरिसीर सोनो मुख्या पुजारीराए
यारापरींव ध्यान झिमलाव पाल्यार सोनो सिपाईर लाँद नो
बगैचाल बाकेर। नोरास हत्यारर, लाल्तिनर भाँर ब
लाँद यानैज्याव। तोबोए ते ओतरवाली हाइद प्रधान
पुजारीए ओनोकोरलाई वोर्निकाव ओर्ना
पल्द सतेदिक्यो। नो रँःद येसुए,
“चिम दोके, अइ जैन्या माःक,”
है दाद नो मिँए ओर्ना छाप्दयाद
सोजोकाव ज़ जैदिक्यो।



नकिन येसुलाई कयोःद प्रधान पुजारीए उझिमक लाँकेर। पत्रुस
ब याछीं याछीं जाँ तादाड ओबाज्याव। मिँर प्रधान पुजारीए
ओचतराक मेंः दाद
यामुइँसिज्याक पत्रुस
ब नोराए ल्योक
ज चुसिनाके।



प्रधान पुजारीए तोबो
ओनोकोर, इादा पत्रुसए
ओर्ना पल्द सतेद
ओएज्यावए ओक्याँदाडाव
ब नक उलिज्याव। होए
मनी पत्रुसलाई, “नँलाई
आछ्याक येसुस बगैचाल
नलिज्याव डारैःनिउ सानी,”
है ओदोक ते, पत्रुसए फरी ब
माभैःद, “डा माःक,” है ओदोव
पाइँना ज़ भाल्या कोके।
लाँःक पुलुस्द धस धस घर्के।




नलाव दुप्सिउ भरिए येसुलाई पिलातसए
ल्योक लाँकेर। पिलातसए नोराए यापाँ
थैद येसुलाई, “नँ साचो यहूदीराए याराजा
ज रो?” है ओदोक ते, “नँ
ज नथऱैनाके,” है दोक्यो।
पिलातसए फरी येसुलाई
रासो ओपैँज्यावए
माहोल्यारालाई फरी तखेप
यासम्जैक्यो। हितावत ब,

“आवलाई क्रुसत तङ्गैद सैःन्या
ज,” लिद बनै किकेर।




थैद पिलातसए येसुलाई क्रुसत तङ्गैद
सैःन्याए जूनी यहूदीरालाई ज़ याभीःक्यो।
सिपाईराए येसुलाई यापासल रैद,
नोराए येसुलाई उक्रुस ओललाई ज़ सुघुर्द
गलगथा यादोज़्याव पोक लॉकेर। हिब्रू
खामनी गलगथाए ओअर्थ 'खप्पज्या पो' ज़।



नक नोराए येसुलाई क्रुसत तङ्गैकेर। हो
छ्याम ओलस छुत नेब्लोनिलाई मनी
ओलस ज़ यारातङ्गैकेर। येसुलाई खाल
जैद तोबोलाई ओवोर्दा, तोबोलाई
ओदाबच्यादा जैद
सु सु याक्रुसत
यारातङ्गैकेर।



निमीए ओज़गै ज़ मारैःके। थिक हो बेलाक ज़ ध्यान झिमलाव
बारिसिउ क्वा ब ओलनी ज़ नेपरा ताद चिस्के। हाःत ज़ येसु
ब बनै चोइस अइ लिद क्रिके, “अ परमेस्वर बाबु, आव
डापरूस नपिछाल ज़ डाईज्या,”
है लिद उस. सफया.क्यो।



तोबो अरिमाथियालाव योसेफए घ्योःव
युँस पिलातसए ल्योक बाद येसुए
ओमोरो णिक्यो। नो घ्योःव
कचरीलाव घेप्पा मिँ ओल्यो।
ओल मनी परमेस्वरए
ओराज्यालाव येम
खिमज्याव मिँ
ज ओल्यो।

योसेफए फरी पालो
क्वा लँःद येसुए
ओमोरोलाई क्रुसतिन
हाइद, नो क्वाए लुम्बैद
दावन खुपिद पुप जैद
ओनैज्याव खादरल झाःद
ओयामक घ्योःव लुँए
कक्यो।



हो परा:ती नासिन्या छ्याम ओतावत
मुख्या पुजारीर सोनो फरिसीर
दुप्सिद पिलातसए ल्योक
बाद, “हाकिम सायेब, नो
छुल्या ओमासिद ज़,
'सौलात सैसिद
डासोरिज्या,'
है उलिज्याव
थैद गेनै।”



नोर ननी बाद नो खादर पोक सु ज़
माबाधुन्या जैद पाल्यार नैद
नो कसिउ लुँत माफैन्या
छाप ब झाःकेर।



नासिन्या छ्याम ओखेमोत सातालाव
उस.कताव छ्याम नम उसँनाक मरियम
मग्दलिनी, ओनेँ मरियमस खादर
पोदा चिऊनाकिनी। हाःत ज़
तोबो बनै घ्योःव भोंचालो
हुद परमेस्वरए
ओचाकन्या स्वर्गतिन
झरिहुद नो कसिउ
लुँलाई पल्लतैद नो

लुँत चुसिके।
नो गुज्याव पाल्यार
नोलाई रँःद याछ्याचेए
भुम भुम गूद
धलिद सिउ स्यासो
ज़ ताकेर।



नो चाक्याए नो मेंमानिलाई, “जिन
ताछेचिन, नो क्रुसत तङ्गैद यासैःव
येसुलाई जिन्खिम्हुज्याव ज़
ताखेहो। नो आल माले।
इदाकिनकाव है
ओदाचिज्याव मिताव नो
सैंसिद सोधुके। अछादी
आव यानैव पो
चिऊचिन्केदा,

उसिसराए ल्योदा हतप्त
ज़ बाद, ‘गेप्रभु सिउनी
सैंसिद सौके।’



नोनी बनै छेद निरेंतए चह चह ताद खादर
पुपनी पुलुस्द धाँःनाद उसिसरालाई है
यारादोनाकिनी। निबाज्याक येमक ज़
येसु उमँःजानी निड़ाक च्याँःसिद,
“जिनयुँ होलाँ जैचिन्के,” है उनिदोव
पाइँना ज़, नोनी उखँ कयोःद
धो दोकिनी।



नकिन छीनी एघार जना उसिसर काँ याज्युज्याक येसु नोराए
याड़ाक ब सरैःसिके। नोराए खाव यायुँए जूनी येसु सिउनी
ओसैँसिउत ओललाई रँःज्यावराए यापाँत यायुँ ओमाहुबोए
येसुए नोरालाई यासिडाकर्यो। है जैद प्रभु येसुए ओपाँ भरी है
ओरादोवत याड़ाकिन ज़ स्वर्गदा छींसिद
परमेस्वरए ओवोर्दा चुसिनाके।



परमेस्वरए आव मानुवाताव मिँरालाई उयुँ
नाद तोबोका तोबो ओजा ब याएकयो।
है जैद जोए नो ओजालाई उयुँ
हुपुज्या, नो कै मै माताद
अजम्बरी जुनी
दैन्या ले।



रोमी 3:23

काराव ल्यो ताकिन पाडँए ज़ पाप दाद परमेस्वरए ओज़गैनी
अछत ताकेर।

रोमी 6:23

पापए ओजेला नर्ग लिज़्या, परमेस्वरए ओयासिज़्याव बरदान ते
गेप्रभु येसु ख्रीसनी अजम्बरी जुनी लिज़्या।

हिब्रू 9:27

मिँ भरी तखेप सिउ परिज़्या। नकिन परमेस्वरए ओड़ाक फाल्सिउ
परिरिज़्या।



एफिसी 2:8,9

परमेस्वरए ल्योदा जेयुँ जेसुहुबोए उयुँ गराँद बाँचैद नैचिउ। नो जे जेदोवनी माःक, परमेस्वरए अइज ओयाचिउ बरदान ची। गे गेदोवनी ताकिन ते सघ्योःसिन्या गेल्यो।

रोमी 10:9,10

जेयाःत 'येसु ख्रीस ज़ गोप्रभु' लिद जेपाँकिन, सोनो जेयुँल 'परमेस्वरए ख्रीसलाई सिउनी सोचोइक्यो' लिद जेयुँल जेपतिकिन बाँचिन्या जेले। गेयुँए ज़ परमेस्वरए ओपाँलाई गेयुँ हुप्ट ओलस गेखैज्या, फरी नो गेयुँलाव पाँलाई गयाःए पाखात पाँद गेबाँचिज्या।



यूहन्ना 3:16,17

परमेस्वरए आव मानुवाताव मिँरालाई उयुँ नाद तोबोका तोबो ओजा ब याएक्यो। है जैद जोए नो ओजालाई उयुँ हुप्ज्या, नो कै मै माताद अजम्बरी जुनी दैन्या ले। परमेस्वरए ओजालाई मानुवाताव मिँरालाई खेम्न्याए जूनी उपरींव माःक, बुरु मानुवाताव मिँरालाई बाँचैन्याए जूनी उपरींव ची।

1 यूहन्ना 5:11-13

गोलाई परमेस्वरए ओयासिज्याव साची आव ज़ — गो मिँर अजम्बरी जुनी दैन्यार गेताज्या, नो जुनी ओजाए ओक्याँत वाज लिज्या। जोए परमेस्वरए ओजालाई उयुँल रैज्याव, होए ज़ अजम्बरी जुनी दैज्याव। जोए ओजालाई उयुँल मारैव, होस अजम्बरी जुनी माले। आव डासरो चिथी जे परमेस्वरए ओजालाई जेयुँ हुप्ज्यावराए जूनी सर्द डानै। आव चिथीनी ज़ अजम्बरी जुनी जेस उलिज्याव सैन्या जेले।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kham, Western Parbate NT (kjl) © 2015, Wycliffe Bible
Translators, Inc. All rights reserved.

<https://www.bible.com/bible/2495/MAT.1.NKHAM>

©2025 Bible for Children, Inc.

www.M1914.org

www.bibleforchildren.org

